

岁功典

禽蟲典第一卷

禽蟲總部彙考一

上古

遂人氏始注物蟲鳥獸之名

按路史云云

注春秋命曆叙云伏羲燧人始名物蟲鳥獸夫物蟲

之名必與物合如牛之曰牛魚之曰魚名之則必承之以至草木亦莫不然

有虞氏

舜命益爲虞以若鳥獸

按書經舜典帝曰疇若予上下草木鳥獸益曰益哉帝曰俞咨益汝作朕

虞益拜稽首讓于朱虎熊羆帝曰俞往哉汝諧

注蔡

上下山林澤藪也史記曰朱虎熊羆爲伯益之

佐

大

孔氏曰若謂順施政教取之有時用之有節張氏曰聖人以萬物爲一體故曰予草木鳥獸

先王之世山澤爲之厲禁獺祭魚然後漁人入澤梁與夫昆蟲未蟄不以火田之類皆若之事故獸魚咸若所以爲夏后鹿濯魚躍所以爲文王然至於禽獸繁殖則有益之烈而焚有周公之驅而塗蓋若順也居於山澤順也交於中國非順也豈以姑息爲若哉

按路史益爲公虞若于上下草木鳥獸佑之朱虎熊羆而物蕃衍

周

周制天官太宰以九職任萬民藪牧以養蕃禽獸庖人辨六畜六獸六禽之名物地官大司徒辨五地動物之生及十有二土之名物以畜鳥獸閭師以畜事貢鳥獸調人司以過而傷鳥獸者迹人以迹知鳥獸之處爲厲禁以守之夏官職方氏辨荆揚之畜秋官雍氏則以春設阱獲而秋塞之按周禮天官太宰之職以九職任萬民一曰三農生九穀二曰圉圉毓草木三曰虞衡作山澤之材四曰藪牧養蕃鳥獸

訂義

王昭禹曰交之以道取之以時不麝卵不殺胎不覆巢使之既生且息既繁

且殖有魚麗盛多之美無魚藻失性之譏此養蕃之效

鄭鐸曰王政驅虎豹犀象而遠之故攻

猛獸驅鳥鳶射天鳥各有其官乃任藪牧之養蕃何耶蓋羅氏所羅掌畜所共庖人掌客之禽獻獸人冬夏之狼麋皆禮物尤急者也非養之有素何以供不時之須哉任以養蕃謂此類耳

庖人掌共六畜六獸六禽辨其名物

訂義

鄭司農曰六獸麋鹿熊羆野豕兔六禽鴈鶉雉鳩鴿

鄭康成曰獸人冬獻狼夏獻麋又內則無熊則六獸當有狼而熊不屬王氏詳說曰左傳雖有

熊蹯孟子雖有熊掌要知非禮物所用 賈氏曰六畜者馬牛羊豕犬雞夏官校人羊人地官牛人春官雞人秋官犬人冬官豕人總送六畜與庖人六獸六禽卽獸人送之庖人得此共與膳夫內外饗故云掌共辨其名物者謂禽獸等皆有名號物色故辨之 劉執中曰辨其名物者物雖可食不辨其毒則能害人內則曰不食雛鼈狼去腸狗去腎狸去正脊兔去尻狐去首豚去腦魚去乙鼈去醜又曰雛尾不盈握弗食舒鴈翠鵠鴟胖舒鳧翠雞肝鴈腎鵝與鹿胃皆食之而不利於人所當辨者

凡用禽獻春行羔豚膳膏香夏行鴈鱸膳膏臊秋行犢麋膳膏腥冬行麋羽膳膏醢

訂史氏曰羔義

稚羊豚稚豕也方春草生羔豚美故用之膳乾雉也鱸乾魚也方夏暑盛物易腐故用之用犢麋於秋秋時草物實犢麋食之而肥也用麋羽於冬冬時陽氣大魚潛鴈定而肥也飲食之滋春膳牛脂曰膏香夏膳犬脂曰膏臊秋膳雞脂曰膏腥冬膳羊脂曰膏醢各以其物之所便而調和之也夫膳食唯其所嗜而已必案四時而共之者一則避其物時之孕育一則辨其物性之所宜以是爲膳則養王之形體者至矣 程氏曰羔豚羊豕之小者方春品物小故以小而美者爲宜腥

鱸雉魚之乾者方夏物餒敗故以乾者爲宜犢麋至秋則物成而可嘗之時雖犢麋皆得以嘗之矣鮮羽至冬則物衆可進之時雖飛與潛者皆得以進之矣然此固足以爲時之宜苟在臟有所不勝食之亦不足以爲善也故又膳膏臠膳膏臊膳膏腥膳膏羶焉無非主五行之氣而以養其形也 王氏詳說曰月令所食唯時令也庖人所行順物性也春草始生則羔豚肥秋草已熟則犢麋肥草之資則甚於生犢麋之肥則大於羔豚夏則牂臠之性爲燥冬則鱸羽之性爲定是順性也若夫月令則異是矣牛土畜也故季夏食之犬金畜也故秋食之彘水畜也故冬食之然春食羊者以春之氣尙寒故食火畜也夏食雉者以夏之氣尙熱故食木畜也此秦之禮與周之禮不同

內饗辨腥臊羶香之不可食者牛夜鳴則膚羊泠毛而羴羶犬赤股而躁臊鳥鵲色而沙鳴豕盲眊而交睫腥馬黑脊而般臂蠖

訂義

鄭司農曰膚朽木臭也

易氏曰牛晝作夜息無故而夜鳴則

反常矣其肉必腐 賈氏曰泠毛謂毛長也羴謂毛別聚結者赤股股裏無毛非謂肉赤而走又躁疾如此者其肉必燥 易氏曰羊以柔毛爲貴毛長而結聚則非善矣其肉必羶 鄭康成曰

瞶失色不澤美也沙漸也 方氏曰鳴鳴之悲涼者土密而原本沙疏而涼故謂之沙 王昭禹

曰瞶色則氣鬱而不達於毛羽沙鳴則氣鬱而不達於聲音其肉氣亦鬱而不可食矣 杜氏曰

盲眊當爲望視 賈氏曰盲則無所覩見內則爲遙望故於春從內則也豕乃聽物不合望視此

豕眼睫毛交如此者其肉必如星 鄭康成曰腥讀爲星聲之誤也肉有如米者似星 方氏曰

黑脊言衆體皆異而脊獨黑也般猶疾之有癰般在前脛故曰般臂 鄭康成曰般臂臂毛有文

鄭司農曰蠓蠓蛄臭也 賈氏曰以內則蠓爲脫漏字於義無取故轉爲蠓蛄字也馬脊黑前脛

般般然如此其肉則蠓蛄臭

地官大司徒之職以土會之法辨五地之物生一曰山林其動物宜毛物 訂鄭氏曰毛物貂狐貉

貂之屬

二曰川澤其動物宜鱗物 訂鄭氏曰鱗物魚龍之屬

三曰丘陵其動物宜羽物 訂鄭氏曰羽物翟雉之屬

四曰墳衍其動物宜介物 訂鄭氏曰介物龜鼈之屬

五曰原隰其動物宜羸物

訂義

王氏曰鄭氏以虎豹之屬爲羸物正所謂毛物羸物宜謂鼃螾之屬

然鄭氏所說出於考工不知考工所記何據而然 史氏曰蜎類也 鄭鑄曰土地各有偏則生

物各有宜嘗考五地之所生而參以五行之性知五地之所宜無非五行之所偏勝也山林木也川澤水也丘陵火也墳衍金也原隰土也偏於木者故動物毛偏於水者故動物鱗丘陵積土而成而火則生土丘陵之勢皆高峻而上得火之性爲多鳥以羽飛者皆火之騰土丘陵非火乎哉墳衍近水而非水金之近乎水也土生金而金生水墳衍之地得金之性爲多物以甲生者金之剛墳衍非金乎哉至於原隰則積土而高平下濕之地也羸物得土之性故其行重遲其形外見土會之法辨爲五等殆亦五行之性歟

以土宜之法辨十有二土之名物以蕃鳥獸

訂義

易氏曰鳥獸則土會所謂動物土會辨之而後可

以蕃毓之也 李景齊曰舜之若予上下草木鳥獸夏之鳥獸魚鼃咸若靈臺之德及昆蟲行葦之仁及草木皆此意也

閭師任牧以畜事貢鳥獸

調人掌司萬民之難而諧和之凡過而殺傷人者以民成之鳥獸亦如之

訂鄭康成曰過失殺傷

人之畜產者 項氏曰如魯人以介其雞而相攻亦難之所起也

迹人

訂義

王氏曰名曰迹人以迹知禽獸之處而後可得田而取矣

掌邦田之地政爲之厲禁而守之

訂義

鄭康成曰田之地若今苑也

賈氏曰迹人主迹禽獸之處

有禽獸處則爲苑囿以林木爲藩羅使其地之人遮厲守之

王氏曰邦田無地則鳥獸無所生

有地而無政則其生不能蕃息雖有政不爲厲禁以守之則侵地盜物所以干有司者衆矣雖爲

厲禁以守之然雉兔者往焉亦弗禁也

凡田獵者受令焉禁麇卵者與其毒矢射者

訂義

劉迎曰麇卵庶禽之胎也皆不中殺之物毒矢毒

弓矢以射獸也所謂餒獸之藥先王仁及禽獸豈專以生之爲事哉取之而中於用則何惡於取

殺之而得其死則何害於殺

王昭禹曰禁麇卵者生之以其時禁毒矢者殺之以其禮

王氏

詳說曰迹人所謂禁麇卵與毒矢者一年之中未始不禁月令禁麇卵于孟春非孟春則不禁矣

禁餒獸于季春非季春則不禁矣是三百六旬之中禽獸之得幸免者三十日耳則知周之與秦

法意遠矣

夏官職方氏辨九州之國東南曰揚州其畜宜鳥獸

訂鄭康成曰鳥獸孔雀鸞鵠犀象之屬

正南曰荊州其畜宜鳥獸

秋官雍氏春令爲阱獲溝瀆之利于民者秋令塞阱杜獲

訂鄭康成曰阱穿地爲塹以禦禽獸其

或超踰則陷焉世謂之陷阱獲柞鄂也堅地阱淺則設柞鄂於其中賈氏曰柞鄂者或以爲豎

柞於中向上鄂鄂然所以載禽獸使足不至地不得躍而出鄭鍔曰春農就田禽獸或出而爲

害水利或有通塞則爲阱獲爲溝瀆皆以是時也然阱獲設於春可也秋稼已登苟或常設禽獸

亦無以遂其生故至秋塞之此先王愛物之心也

禁山之爲苑澤之沈者

訂鄭鍔曰苑囿之設則爲禁籞環繞以防人之入耳若夫與民共利之山

芻蕘者往焉雉兔者往焉詎可以設禁籞乎魚鼈所生之澤鱗者介者藏焉遊焉詎可沈毒螫乎

人君囿游固有苑矣民庶爲苑則是僭上無法矧可以卽山以爲苑乎漁人取魚固有餌矣下毒

於水則是竭澤而漁人之食將有中其毒者矣其設禁也宜哉劉執中曰卽獸所居爲苑以誤

之卽魚所淵沈藥以毒之則不仁不信爲禽獸之所憚也故設官以禁之

漢

宣帝元康三年詔三輔春夏毋摘巢探卵彈射飛鳥 按漢書宣帝本紀元康三年夏六月詔曰前
年夏神爵集雍今春五色鳥以萬數飛過屬縣翱翔而舞欲集未下其令三輔毋得以春夏摘巢探
卵彈射飛鳥具爲令

元帝初元元年秋九月詔太僕減穀食馬水衡省肉食獸 按漢書元帝本紀云云 注師古曰減
謂損其數省者全去之

初元二年詔罷黃門乘輿狗馬並假貧民生物之地 按漢書元帝本紀二年春三月詔罷黃門乘
輿狗馬 注師古曰黃門近署也故親幸之物屬焉

水衡禁園宜春下苑少府飲飛外池 注如淳曰漢儀注飲飛具贈繳以射鳧鴈給祭祀是故有池
也

嚴籞池田假與貧民 注晉灼曰嚴籞射苑也

後漢

後漢制上林苑令主苑中禽獸 按後漢書百官志上林苑令一人六百石本注曰主苑中禽獸頗有民居皆主之捕得其獸送太官丞尉各一人

注

漢官曰員吏五十八人案桓帝又置鴻德苑令

宋

明帝泰始三年詔禁非時取鱗介羽毛 按宋書明帝本紀泰始三年八月丁酉詔曰古者衡虞置制蠲蚘不收川澤產育登器進御所以繁阜民財養遂生德頃商賈逐末競早爭新折未實之果收豪家之利籠非膳之翼爲戲童之資豈所以還風尚本捐華務實宜修道布仁以革斯蠹自今鱗介羽毛肴核衆品非時月可採器味所須可一皆禁斷嚴爲科制

北魏

高宗和平四年畋于河西勅從管及典圍將校毋得濫殺物命 按魏書高宗本紀和平四年秋八月丙寅畋于河西詔曰朕順時畋獵而從官殺獲過度既殫禽獸乖不合圍之義其勅從官及典圍將校自今已後不聽濫殺其畋獲皮肉別自頒資

高祖太和二年秋八月丙戌詔罷諸州禽獸之貢 按魏書高祖本紀云云

世宗永平二年冬十有一月甲申詔禁屠殺含孕以爲永制 按魏書世宗本紀云云

孝靜帝興和四年棄後園鷹犬 按魏書孝靜帝本紀興和四年夏五月辛巳齊獻武王來朝請令後園鷹犬悉皆放棄

北齊

文宣帝天保八年詔禁取蝦蟹蜆蛤鷹鷂 按北齊書文宣帝本紀天保八年夏四月庚午詔諸取蝦蟹蜆蛤之類悉令停斷唯聽捕魚乙酉詔公私鷹鷂俱亦禁絕

後主天統五年春二月乙丑詔禁網捕鷹鷂及畜養籠放之物 按北齊書後主本紀云云

北周

靜帝大象二年夏六月庚辰罷諸魚池及山澤公禁者與百姓共之 按周書靜帝本紀云云

隋

文帝開皇元年三月丁亥詔犬馬口味不得獻上 按隋書文帝本紀云云

唐

高祖武德元年十一月戊申禁獻小馬庫牛異獸奇禽者 按唐書高祖本紀云云

高宗永徽二年十一月癸酉禁進犬馬鷹鷂 按唐書高宗本紀云云

咸亨四年禁捕魚取獸者 按唐書高宗本紀咸亨四年閏五月丁卯禁作鑿捕魚營圈取獸者

中宗嗣聖五年太后禁漁釣 即武后垂拱四年 按唐書武后本紀垂拱四年七月丁巳禁漁釣

元宗先天元年十二月丁未詔禁人屠殺犬雞 按唐書睿宗本紀不載 按舊唐書睿宗本紀云云

開元二年四月辛未停諸陵供奉鷹犬 按唐書元宗本紀云云

肅宗寶應元年建卯月辛亥停貢鷹鷂狗豹 按唐書肅宗本紀云云

代宗大曆四年十一月辛未禁畿內弋獵 按唐書代宗本紀云云

大曆九年禁畿內漁獵採捕 按唐書代宗本紀不載 按舊唐書代宗本紀九年春三月丙午禁

畿內漁獵採捕自正月至五月晦永爲常式

大曆十四年禁貢禽獸並放所畜者或以給貧民 按唐書德宗本紀大曆十四年五月卽皇帝位

閏月丙子罷諸州府及新羅渤海貢鷹鷄丁亥放舞象三十有二於荆山之陽六月己未罷幽州貢

麝十月以沙苑豭豕三千給貧民

按舊唐書德宗本紀大曆十四年閏月丙子詔諸州府新羅

渤海歲貢鷹鷄皆停丙戌詔禁天下不得貢珍禽異獸丁亥詔文單國所獻舞象三十二令放荆山之陽五坊鷹犬皆放之 按杜陽雜編代宗朝異國所獻奇禽馴獸自上卽位多放棄之

德宗貞元十一年上獵苑中戒多殺 按唐書德宗本紀貞元十一年十二月戊辰獵於苑中

按舊唐書德宗本紀十一年冬十二月戊辰上獵苑中戒多殺止行三驅之禮勞士而還

憲宗永貞元年詔停進奇禽異獸 按唐書憲宗本紀永貞元年八月庚戌罷獻祥瑞 按舊唐

書憲宗本紀八月庚戌荆南獻龜二詔曰朕以寡昧纂承丕業永思理本所寶惟賢至如嘉禾神芝奇禽異獸蓋王化之虛美也所以光武形於詔令春秋不書祥瑞朕誠薄德思及前人自今已後所有祥瑞但令準式申報有司不得上聞其奇禽異獸亦宜停進

元和九年十一月戊子罷京兆府獵獸狐兔 按唐書憲宗本紀云云

穆宗長慶二年放鷹隼狐兔並毀獵具 按唐書穆宗本紀長慶二年十二月丁亥不豫放五坊鷹隼及供獵狐兔 按舊唐書穆宗本紀長慶二年十二月丁亥朔詔五坊鷹隼並解放獵具皆毀之

長慶四年罷貢鷹犬 按唐書敬宗本紀長慶四年正月丙子卽皇帝位三月壬子罷貢鷹犬

敬宗寶曆二年禁民漁及縱五坊鷹犬 按唐書敬宗本紀寶曆二年七月癸未以漢陂隸尙食禁

民漁 按文宗本紀寶曆二年十二月庚申縱五坊鷹犬 按舊唐書文宗本紀寶曆二年十二

月庚申詔五坊鷹鵠並解放

文宗太和七年閏月乙卯縱五坊鷹犬 按唐書文宗本紀云云 按舊唐書太和七年秋閏七

月乙卯詔五坊鷹犬量須減放

開成元年二月乙亥停獻鷺鳥毆犬 按唐書文宗本紀云云

開成二年三月丙寅縱五坊鷹隼禁京畿採捕 按唐書文宗本紀云云

宣宗大中元年二月癸未以旱放五坊鷹犬停飛龍馬粟 按唐書宣宗本紀云云

懿宗咸通八年五月丙辰以不豫縱神策五坊飛龍鷹鷂 按唐書懿宗本紀云云

遼

太宗天顯三年四月丁亥于獵所縱公私取羽毛草木之材 按遼史太宗本紀云云

穆宗應曆十三年秋八月甲申以生日縱五坊鷹鷂 按遼史穆宗本紀云云

聖宗統和十五年免兀惹烏昭度及奚王部常貢並弛漁獵之禁 按遼史聖宗本紀統和十五年

春三月庚寅兀惹烏昭度以地遠乞歲時免進鷹馬貂皮詔以生辰正旦貢如舊餘免夏四月乙未

朔罷奚王部歲貢鷹冬十月戊戌弛東京漁獵之禁

興宗景福元年冬十一月壬辰縱五坊鷹鷂 按遼史興宗本紀云云

重熙十五年秋九月甲辰禁以置網捕狐兔 按遼史興宗本紀云云

重熙二十四年秋八月戊子縱五坊鷹鷂焚釣魚之具 按遼史興宗本紀云云

道宗清寧二年詔鳥獸孳育時毋縱火於郊 按遼史道宗本紀清寧二年夏四月甲子詔曰方夏

長養鳥獸孳育之時不得縱火於郊

清寧五年冬十一月禁獵 按遼史道宗本紀云云

宋

太祖建隆二年春二月己卯禁春夏捕魚射鳥 按宋史太祖本紀云云

乾德四年夏四月壬子罷光州貢鷹鷄 按宋史太祖本紀云云

太宗端拱元年禁諸州獻珍禽奇獸及游獵鷹犬 按宋史太宗本紀端拱元年春二月丙申禁諸州獻珍禽奇獸冬十月癸未詔罷游獵五坊所畜鷹犬並放之諸州毋以爲獻

眞宗景德三年詔放牛羊孳乳者 按宋史眞宗本紀景德三年十二月戊子詔牛羊司畜有孳乳者放牧勿殺

大中祥符二年詔縱五坊鷹鷄 按宋史眞宗本紀大中祥符二年夏六月壬寅詔量留五坊鷹鷄備諸王從時展禮餘悉縱之

大中祥符三年禁春夏射獵 按宋史眞宗本紀三年春二月己亥禁方春射獵每歲春夏所在長

吏申明之